

ვანის მუნიციპალიტეტის საკრებულოს ქონების მართვის, ეკონომიკური საკითხებისა და ინფრასტრუქტურის კომისიის სხდომა

N 1 ოქმი

ქ.ვანი

7 დეკემბერი 2017 წელი

სხდომას თავმჯდომარეობდა ქონების მართვის, ეკონომიკური საკითხებისა და ინფრასტრუქტურის კომისიის თავმჯდომარე გიგა გოგიბერიძე.

სხდომას ესწრებოდნენ: გიგა გოგიბერიძე, დავით ხარძეიშვილი, მალხაზ ცერცვაძე, შოთა გიორგაძე, ალექსანდრე ოქროპილაშვილი, გია ხარაბაძე, პაატა ხურციძე, რობიზონ ფუტყარაძე, დავით ადეიშვილი, გია ოჩხიკიძე.

საკრებულოს აპარატის საორგანიზციო განყოფილების მთვარი სპეციალისტი საოქმო წარმოების საკითხებში - ლუბა კიკაბიძე.

საპატიო მიზეზის გამო სხდომას არ ესწრებოდნენ: ბიჭიკო პაიკიძე და სანდრო ხურციძე.

დასწრების ფურცელი თან ერთვის /დანართი N1/.

სხდომა გახსნა ქონების მართვის, ეკონომიკური საკითხების და ინფრასტრუქტურის კომისიის თავმჯდომარემ, რომელმაც დასამტკიცებლად წარადგინა სხდომის

დღის წესრიგი

1. ვანის მუნიციპალიტეტის საკრებულოს ქონების მართვის, ეკონომიკურ საკითხთა და ინფრასტრუქტურის კომისიის დებულების დამტკიცების შესახებ.

/მომხსენებელი: გ. გოგიბერიძე/

კომისიის წევრებმა კენჭი უყარეს და დაამტკიცეს სხდომის დღის წესრიგი

მომხრე - 10

წინააღმდეგი - არცერთი

დანართი: N2

დღის წესრიგის პირველ საკითხთან დაკავშირებით კომისიის თავმჯდომარემ კომისიის წევრებს გააცნო ვანის მუნიციპალიტეტის საკრებულოს ქონების მართვის, ეკონომიკურ საკითხთა და ინფრასტრუქტურის კომისიის დებულება და განმარტა, რომ დებულება, საქართველოს ორგანული კანონის „ადგილობრივი თვითმმართველობის კოდექსის“ და საკრებულოს რეგლამენტის შესაბამისად, განსაზღვრავს ვანის მუნიციპალიტეტის საკრებულოს ქონების მართვის, ეკონომიკური საკითხების და ინფრასტრუქტურის კომისიის უფლებამოსილებას, სტრუქტურასა და თანამდებობის პირთა უფლება-მოვალეობებს.

1. კომისია თავისი კომპეტენციის ფარგლებში:

ა) განიხილავს და საკრებულოს წარუდგენს წინადადებებს, რეკომენდაციებს და დასკვნებს მუნიციპალიტეტის ქონების ფლობის, განკარგვისა და ქონებით სარგებლობის წესების დადგენის შესახებ;

ბ) განიხილავს და საკრებულოს წარუდგენს წინადადებებს, რეკომენდაციებს და დასკვნებს მუნიციპალიტეტის ქონების შეძენის, ფლობის, სარგებლობისა და განკარგვის შესახებ;

გ) განიხილავს და საკრებულოს წარუდგენს წინადადებებს, რეკომენდაციებს და დასკვნებს კერძო სამართლის სამეწარმეო და არასამეწარმეო (არაკომერციული) იურიდიული პირების შექმნის, რეორგანიზაციისა და ლიკვიდაციის შესახებ; სამეწარმეო და არასამეწარმეო (არაკომერციული) იურიდიული პირების დაფუძნებაში მონაწილეობისა და მათში გაწევრიანების შესახებ; მუნიციპალიტეტის წილობრივი მონაწილეობით შექმნილი საწარმოების კაპიტალში ცვლილების შესახებ, სამეწარმეო იურიდიული პირის წილის/აქციების შეძენის შესახებ;

დ) განიხილავს და საკრებულოს წარუდგენს წინადადებებს, რეკომენდაციებს და დასკვნებს მუნიციპალიტეტის ქონების საპრივატიზებო ობიექტების ნუსხის პროექტის, პრივატიზაციის გეგმის და მუნიციპალიტეტის ქონების განკერძოების პროგრამების და ამ პროგრამების შესრულების ანგარიშის დამტკიცების შესახებ;

ე) განიხილავს და საკრებულოს წარუდგენს წინადადებებს, რეკომენდაციებს და დასკვნებს საქართველოს მთავრობის მიერ განსაზღვრული წესის შესაბამისად მუნიციპალიტეტის საკუთრებაში არსებული არასასოფლო-სამეურნეო დანიშნულების მიწის ნაკვეთის ნორმატიული ფასის, მუნიციპალიტეტის ქონების საპრივატიზებო საწყისი ფასისა და სარგებლობის ქირის ოდენობის დადგენის შესახებ;

ვ) განიხილავს და საკრებულოს წარუდგენს წინადადებებს, რეკომენდაციებს და დასკვნებს მუნიციპალიტეტის ქონების აუქციონით ფორმის პრივატიზებისას აუქციონში გამარჯვების დამადასტურებელი ოქმის ტიპური ფორმის დადგენის შესახებ;

ზ) განიხილავს და საკრებულოს წარუდგენს წინადადებებს, რეკომენდაციებს და დასკვნებს მუნიციპალიტეტის მოძრავი და უძრავი ქონების პირობით ან უპირობოდ

პირდაპირი განკარგვის წესით სასყიდლით ან უსასყიდლოდ სარგებლობის უფლებით გაცემის შესახებ;

თ) განიხილავს მუნიციპალიტეტის ტერიტორიის კეთილმოწყობის, გამწვანებისა და ინფრასტრუქტურის განვითარების პროგრამათა პროექტებს და საკრებულოს წარუდგენს შესაბამის დასკვნებს;

ი) განიხილავს და საკრებულოს წარუდგენს წინადადებებს მუნიციპალიტეტის დასახლებებში გეოგრაფიული ობიექტების სახელდების შესახებ;

კ) განიხილავს და საკრებულოს წარუდგენს წინადადებებს მუნიციპალიტეტში ადმინისტრაციული ერთეულების შექმნის, გაუქმების, მათი საზღვრების დადგენისა და შეცვლის შესახებ;

ლ) განიხილავს ადგილობრივი გზების შენახვისა და განვითარების პროგრამების და გეგმების პროექტებს, საკრებულოს წარუდგენს შესაბამის დასკვნებს;

მ) განიხილავს და საკრებულოს წარუდგენს წინადადებებს, რეკომენდაციებს და დასკვნებს მუნიციპალური ტრანსპორტით მომსახურებისა და ადგილობრივი გადაზიდვების წესების, ტრანსპორტის მარშრუტებისა და გრაფიკების განსაზღვრის, ადგილობრივი სამგზავრო გადაყვანის, ავტომანქანის პარკირების მარეგულირებელი ნორმების დადგენის შესახებ;

ნ) განიხილავს სატრანსპორტო სისტემის განვითარების ადგილობრივ პროგრამების პროექტებს და საკრებულოს წარუდგენს დასკვნას ამ პროგრამების დამტკიცებასთან დაკავშირებით;

ო) განიხილავს და საკრებულოს წარუდგენს წინადადებებს, რეკომენდაციებს და დასკვნებს მუნიციპალიტეტის ტერიტორიაზე ადგილობრივი მნიშვნელობის საავტომობილო გზებისა და საგზაო მოძრაობის დაგეგმარების შესახებ;

პ) განიხილავს და საკრებულოს წარუდგენს წინადადებებს, რეკომენდაციებს და დასკვნებს გარე ვაჭრობის, ბაზრებისა და ბაზრობების რეგულირების წესების, ბაზრებისა და ბაზრობებისათვის ადგილების გამოყოფის და ორგანიზების წესების შესახებ;

ჟ) განიხილავს და საკრებულოს წარუდგენს წინადადებებს, რეკომენდაციებს და დასკვნებს გარე რეკლამის განთავსების ნებართვის შემოღებისა და გარე რეკლამის გავრცელების გეგმის დამტკიცების შესახებ;

რ) განიხილავს და საკრებულოს წარუდგენს წინადადებებს, რეკომენდაციებს და დასკვნებს გარე განათების, წყალმომარაგების (მათ შორის ტექნიკური) და წყალანირების უზრუნველყოფის, ადგილობრივი მნიშვნელობის სამელიორაციო სისტემის განვითარების სამუშაოთა წარმოების დაგეგმვასთან დაკავშირებით;

ს) განიხილავს და საკრებულოს წარუდგენს წინადადებებს, რეკომენდაციებს და დასკვნებს მუნიციპალიტეტის ტერიტორიის დასუფთავებისა და საყოფაცხოვრებო ნარჩენების შეგროვებისა და გატანის სამუშაოთა წარმოების დაგეგმვის შესახებ;

ტ) განიხილავს და საკრებულოს წარუდგენს წინადადებებს, რეკომენდაციებს და დასკვნებს სასაფლაოების მოვლა-პატრონობის წესების დადგენის მიზნით;

უ) განიხილავს და საკრებულოს წარუდგენს წინადადებებს, რეკომენდაციებს და დასკვნებს შინაური ცხოველების ყოლის წესების დადგენის მიზნით;

ფ) განიხილავს და საკრებულოს წარუდგენს წინადადებებს, რეკომენდაციებს და დასკვნებს ბუნებრივი რესურსების დაცვისა და განვითარების მუნიციპალური პროგრამების პროექტების შესახებ;

ქ) განიხილავს და საკრებულოს წარუდგენს წინადადებებს, რეკომენდაციებს და დასკვნებს საქართველოს კანონმდებლობის შესაბამისად, ადგილობრივი მნიშვნელობის ტყის და წყლის რესურსების მართვის წესების დადგენის მიზნით;

ღ) ისმენს ინფორმაციას, ახსნა-განმარტებას შესაბამის სფეროებში მოქმედი მუნიციპალიტეტის მიერ დაფუძნებული არასამეწარმეო (არაკომერციული) იურიდიული პირების საქმიანობასთან დაკავშირებით და საჭიროების შემთხვევაში შესაბამის დასკვნას წარუდგენს საკრებულოს;

ყ) ახორციელებს საკრებულოს რეგლამენტით და საკრებულოს დავალებით მისთვის მინიჭებულ სხვა უფლებამოსილებებს.

2. ადგილობრივი თვითმმართველობის ორგანოების თანამდებობის პირები კომისიის მოთხოვნით ვალდებული არიან კომისიის მიერ დადგენილ ვადაში წარუდგინონ მას შესაბამისი დოკუმენტები, დასკვნები და სხვა მასალები, დაესწრონ კომისიის სხდომებს, პასუხი გასცენ სხდომაზე დასმულ შეკითხვებზე და წარმოადგინონ გაწეული საქმიანობის ანგარიში.

ასევე კომისიის თავმჯდომარემ კომისიის წევრებს გააცნო კომისიის უფლებამოსილებათა ფუნქციური დაჯგუფება, რომლის მიხედვით კომისიის წევრებისაგან იქმნება კომისიის სამუშაო ჯგუფები:

1. კომისიის წევრთა გადანაწილებას სამუშაო ჯგუფებში კომისიის წევრთა სურვილის გათვალისწინებით ახდენს კომისიის თავმჯდომარე. კომისიის წევრი შეიძლება იყოს კომისიის რამოდენიმე სამუშაო ჯგუფის წევრი.

2. სამუშაო ჯგუფის ფუნქციაა თავის უფლებამოსილების ფარგლებში განიხილოს და მოამზადოს კომისიის სხდომაზე განსახილველი საკითხები.

3. კომისიაში იქმნება შემდეგი სამუშაო ჯგუფები:

ა) ქონების მართვის და ეკონომიკურ საკითხთა სამუშაო ჯგუფი;

ბ) ინფრასტრუქტურის საკითხთა სამუშაო ჯგუფი;

გ) გარემოს დაცვისა და კომუნალურ საკითხთა სამუშაო ჯგუფი;

კომისიის თავმჯდომარემ და კომისიის წევრებმა მიიღეს ერთობლივი გადაწყვეტილება კომისიის სამუშაო ჯგუფის შემადგენლობის შესახებ :

1. ქონების მართვის და ეკონომიკურ საკითხთა სამუშაო ჯგუფი.

- მალხაზ ცერცვაძე
- გია ხარაბაძე
- პაატა ხურციძე
- დავით ადეიშვილი

2. ინფრასტრუქტურის საკითხთა სამუშაო ჯგუფი

- დავით ხარძეიშვილი
- შოთა გიორგაძე
- ბიჭიკო პაიკიძე
- ალექსანდრე ოქროპილაშვილი

3. გარემოს დაცვისა და კომუნალურ საკითხთა სამუშაო ჯგუფი;

- სანდრო ხურციძე
- გია ოჩხიკიძე
- რობიზონ ფუტყარაძე
- დავით ადეიშვილი

კომისიამ კენჭი უყარა აღნიშნულ საკითხს.

მომხრე -10
წინააღმდეგი - არცერთი
დანართი: N3

კომისიის გადაწყვეტილებით დღის წესრიგით წარმოდგენილი საკითხი დამტკიცებულია კომისიის მიერ და საკითხი მზად არის საკრებულოს სხდომაზე დასატანად.

კომისიის თავმჯდომარემ სხდომა დახურულად გამოაცხადა.

გიგა გოგიბერიძე

ქონების მართვის, ეკონომიკური საკითხების

და ინფრასტრუქტურის კომისიის თავმჯდომარე